

## “Uban ang Gugma sa Ginoo Akong Nadaog ang Akong Mabudlay nga Kinabuhi”

Deaconesa Kyungsook Kim (Babaye'ng Miyembro, sa Eastern Gwangju Manmin Church)



Oktobre 2003, nagminyo mi ni Deacono Youngdeuk Seo. Nangandoy ako sa tam-is nga kaminyuon kinabuhi apan ang matuud lahi ra kaayo. Akong gisulayan ang pagsilbi sa akong mga bayaw apan perming naay panagbingkil sa akong ugangan tungod sa kalinan sa among personalidad. Ang kahingawa og ang kabug-at sa hunahuna nagpatong-patong. Ang akong bana nahibaw apan wala siyay gikatabang.

Ang Pag-antos sa Ugangang Babaye og Umagad nga Babaye'ng Relasyon ni Resulta sa Kagul-anan

Marso 2005, isip unang umagad nga babaye, nanganak ko og kaluha, apan ang akong ugangan nga babaye murag wala gihapon malipay. Nasakitan ko. Gikapoy nakong naghunahuna sa kalisod sa pagsulay nga magpuyo subay sa iyang kabubutan.

“Nganong magpakabuhi man ko sama ani? Nganong interesado man kong magpuyo nga ingon ani? Nag-inusara gyud kaayo ko. Maayo pa og makigbulag nalang ko.” Mao ni ang naa permi sa akong hunahuna.

Naguul ko nga dili gani makatugol. Urumon pa gani ko. Magdamgo nga na inbalido. Usahay makakita ko og demonyo. Kon akong tan-awon pagbalik karon, tingali nag-antos ko ato kay wala man ko maghimo og maayo. Ang pagsimbag mga rebolto sa akong ginikanan naka inpluwensiya usab kanako.

Para magkagrabe ang situasyon, nagkasakit ang akong likod og ang akong wala nga paa. Kini resulta sa akong pagpanganak. Sayo sa tuig 2009, nagpa MRI scan ko. Nakita nga naa koy ‘spinal stenosis’ og ‘herniated lumbar discs’. Apan dili nako mahimo ang operasyon kay nag alima man ko sa akong kaluha. Nag-antos ko sa grabing kagul-anan og niatong panahona gusto nalang gani unta ko nga magpakamatay.

Nakadawat ko sa Kalayo sa Espiritu atol sa Handkerchief Healing Meeting

Usa ka adlaw niadtong Oktobre 2009, ang Ginoo sa gugma niduol nako. Si Deaconesa Jinkyung Cheong nga nagsulay sa pag ebanghelyo nako ni santop sa akong hunahuna. Permi ko niyang pakit-on sa website sa Manmin Central Church og sa mga litrato sa nangaayo sa ‘atopic dermatitis’ pinaagi sa pag-ampo ni Dr. Jaerock Lee.

Gidala ko niya sa Eastern Gwangju Manmin Church. Sa paglingkod pa lang naghilak nako. Pagka human si Pastor Yeonok Cheong nibisita sa akong balay og nag family service mi. Iya kong giampoan gamit ang panyo (Buhat 19:11-12). Human sa pag-ampo nakagawas ko sa pagsigig damgo og daotan og nawala ang akong mga kagul-anan.

Duha ka bulan sa akong pagsigig simba, nitambong ko sa Handkerchief Healing Meeting ni Pastor Heesun Lee, ang General Guidance Pastor sa Men's and Women's Mission, sa Korea. Nabasa niya ang naa sa akong dughan pinaagi sa Espiritu Santo og iyang giampo ang akong mga gipanginahanglan. Akong nabati ang gugma sa Diyos nga kinsa nakaila sa akong kasingkasing og naglipay nako. Nidagdayang ang akong luha.

Akong gibasolan nga nakig amigo ko sa kalibutan sa wala pa ako motoo sa Diyos. Nabati nako ang kaimit sa Espiritu sa akong ulo, nanginit ang akong lawas og gisingot ko.

Nianang gabhiona ang kahibulongang lihod nahitabo. Maayo ang akong pagkatugol og presko ko nga ni bangon pagka buntag. Sunod adlaw, akong nabati nga naay nigawas sa akong paa. Mao to ang panahon nga naayo ang akong ‘spinal stenosis’ og ang ‘herniated lumbar discs’. Pagkahuman, makahimo nako paglihok sa akong gusto og komportabl na ko sa akong kinabuhi. Kagul-anan, insomya, mga bati ng damgo-kining tanan nangawala. Halleluyah!

Ang Akong Pamilya na Ebanghelyoan og Nalipay Kaayo Ako

Ang labaw'ng mahinungdanon nga ang akong masakiton nga kasingkasing nabag-o. Pinaagi sa mensahe sa simbahan nakaila ko sa kaayuhan ni Ruth nga nagtuman sa iyang katungdanan ngadto sa iyang ugangan nga babaye og akong na hunahuna ang tinuod nga kalinaw, serbisyo og gugma nga makapahimuot sa Diyos. Ako usab nga nakita ang bati nga hunahuna og kayugot nga naa nako. Akong giankon nga ang tanang problema, labi na ang mahitungod sa akong ugangan, tungod lang nako. Nagbasol ko pag-ayo sa pag gisi sa akong kasingkasing. Naghatag usab ako og pag-ampo para sa paghinolsol tungod sa akong pagka arogante nga ako lang gibaliwala ang akong bana.

Nausab ko pinaagi sa puasa og pag-ampo. Ang akong ugangan og bana naa nay kalinaw human nga ako nagsilbi nila sa bag-o nakong kasingkasing. Ang akong inahan nga nagtambong sa Buddhist Temple, niduol usab sa among simbahan human sa pagkahibalo niya sa akong panghimatuud. Malipayon kaayo kong nakadawat sa mga panalangin labi na ang pagduol sa akong pamilya sa Diyos.

Permi kong maghilak sa pagpasalamat sa grasya sa Diyos. Giayo niya ang akong espiritu og lawas, iyang gitugot ang kalinaw sa akong pamilya. Gihatagan gani ko niya og paglaum sa Bag-o nga Herusalem. Akong ihatag ang tanang pasalamat og dungog ngadto sa atong Amahan nga naghatag kanako sa dakong mga panalangin.

## Naa koy Tinuod nga Kahibulongan og Nindot nga Eksperyensiya!

Igsoon Uyonchimek (Babayeng Miyembro sa, Mongolia Manmin Church)

Naa koy high blood, 20 ka tuig nga sakit sa ulo, allergic eczema sa akong paa, og hepatitis C. Nag inom ko og tambal permi. Dugang pa, ang akong kidney dili maayong mo trabaho. Permi kong mo adto sa kasilyas. Naa sad koy grabing sakit sa likod.

Disyembre 31, 2009 na eksperyensiya nako ang gugma sa Diyos didto sa Mongolia Manmin Church. Sugod ato malipayon na kaayo ang akong Kristohanong kinabuhi. Mayo 2010, nakadungog ko nga si Pastor Hyungwon Ju mo wali sa ika-7 nga anibersaryo sa simbahan og maghimo sa Handkerchief Healing Meeting.

Samtang naminaw sa iyang mga mensahe akong gibasolan ang akong mga naglabay'ng sayop nga binubutan og ang pagsimbag idolo. Akong nadawat ang pag-ampo sa panyo (Buhat 19:11-12). Diha dayon nanginit ang akong lawas og ang akong dughan nagmalinawon. Unya ni arang-arang ko. Permi kong mo tambong sa Handkerchief Healing Meeting ni Missionary Botzorig. Nibalik ang maayong kondisyon sa akong lawas pinaagi sa mga miting.

Usa ka adlaw sa 2010, akong na eksperyensiya ang kahibulongan nga lihod. Mga alas 3:00 sa buntag, nagdamgo ko, nga si Senyor Pastor Dr. Lee sa Manmin Central Church nihatag og mga panalangin sa Sunday Morning Service. Unya akong nadungog ang tingog “Bang! Bang!” Nakuyawan kaayo ko nga ni gawas ko og akong gitan-aw unsay nahitabo. Akong nakita nga naay kalayo duol sa mahalona nga kotsa.

Nidali ko ko duol og akong gibubuan og tubig ang kayo. Kung nalangan ko og gamay ma sunog ang mga sakyanan. Grabi unta ang kalisdanan kung nasunog pa ang tanan nga mga sakyanan didto. Apan ang Diyos ni protekta pinaagi sa pagpadungog nako sa. Mapasalamaton kaayo kong naghunahuna karon sa grasya sa Diyos.

Ako magpasalamat og maghimaya sa atong maayong Diyos Amahan.



### The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

Jesus Christ, His Second Advent, the Millennium, and the eternal heaven.  
5. Members of Manmin Central Church confess their faith through “The Apostles’ Creed” each time they come together and believe in its content verbatim.

“[God] Himself gives to all people life and breath and all things.” (Acts 17:25)  
“And there is salvation in no one else; for there is no other name under heaven that has been given among men by which we must be saved.” (Acts 4:12)

### Manmin Balita

Published by Manmin Central Church  
235-3 Guro-3dong, Guro-gu, Seoul, Korea (postal code 152-848)  
Tel: 82-2-818-7047 Fax: 82-2-818-7048  
http://www.manmin.org/english  
e-mail: manminministry@hotmail.com  
Publisher: Jaerock Lee  
Managing Editor: Geumsoon Yim

# Manmin nga mga Balita

NUMERO 17 ABRIL 1, 2012

## Ang Nissi Orchestra Nagsilibrar sa ilang ika-20 Anibersaryo uban ang Espesyal nga Pasundayag sa ‘Arirang’



“Among natagbuan ang atong Ginoo sa Arirang Pass”. Ang Nissi Orchestra maoy unang orchestra nga nagpahiangay sa pagdayag sa Korea. Niadtong Marso 4, sa selebresyon sa ilang ika-20 anibersaryo, ilang gihimo ang pagkanta sa “Arirang” ang balaang awit. Ang Nissi Orchestra natukod niadtong Marso 1, 1992 ubos sa pag dumala ni Magulang Gwanghyung Cho. Naghatag king dakong tampo sa pagsabwag sa ebanghelyo og sa pagpalambo sa kristohanong kultura pinaagi sa pagpasundayag sa mga Kristohanong simbahan sa Korea og sa mga Charity Concerts. Ang mga miyembro niini nahimo usab nga mga pastor, tigdumala, og mga miyembro sa simbahan.

## Ang GCN Broadcasting Globalization nga Naila Sa ‘2012 NRB Convention and Exposition’

Ang GCN TV (Board Chairman: Dr. Jaerock Lee) nagpakita sa nagkalain-laing hilisgutan nga naglakip sa pagkatinuod sa ebanghelyo og sa Gahum sa Diyos pinaagi sa HD nga teknolohiya og sa 3D nga presentasyon. Gikan sa Pebrero 18-21 niapil kini sa 2012 NRB (National Religious Broadcasters) Convention and Exposition nga gihimo didto sa Covention Center sa Gaylord Opryland Hotel, Nashville, Tennessee.

Ang NRB usa ka kristohanong organisasyon nga nagsabwag sa ebanghelyo pinaagi sa pagsibya. Anaa kini duolan sa 1,700 nga organisasyon'ng miyembro. Ilang gipangan ambian ang mga teknolohiya sa pagpanibya og ang mga programa sa panag pundok matag tuig.

Karong tuiga, gibanabana sa 6,000 ka mga kristohanong maniniba og 200 ka kristohanong grupo sa magsisibya ang ni kuhag

parti sa maong eksposisyon. Ang GCN niapil usab gamit ang ilang bag-o nga ngalan, GCN Broadcasting Co., Ltd. Dili katuohan ang kanindot sa ilang displayhanan labi na ang ilang “banner” nga maoy nikuha sa atensyon sa mga mata sa mga bisita.

Samtang ang uban nga mga partisipante ni tuboy sa ilang mga programa, ang GCN Broadcasting nipakita sa mga “Pulong sa Kinabuhi” ni Dr. Jaerock Lee nga teknolohiya nga maoy naka kabig sa atensyon sa mga bisita. Dugang pa, nitan'aw usab sila sa daghan pang mga gipakita sa Manmin.

Ang GCN TV nipakita usab sa 3D video sa, ‘The Castle of the Shepherd’ nga naglaraw sa kaanindot sa langit. Tungod niini, kini nituboy sa posisyon sa mga kristohanong magsisibya, pinaagi sa pagpakita sa mga nagkalain-laing presentasyon gamit ang mga

maayong teknolohiya.

Si Dr. Frank Wright, Presidente sa NRB niingon, “O, importante kaayo ang paggamit sa maayo og bag-o nga teknolohiya. Apan ang mangibabaw mao ang gamhanang unod. Ang GCN broadcasting anay mahinungdanong unod, nga mao ang mensahe sa ebanghelyo.”

Ang Truli Media Group anay kinadak-ang “library” sa kalibutan basi sa pagtoong kristohanon, espirituhanong panabot og edukasyon. Michael Solomon, ang president gustong anay kalabutan sa GCN TV siya niingon, “Gusto kong mohatag og tabang para makatan-aw ang mga tawong gustong motan-aw sa mga sermon ni Dr. Lee og sa uban pang mga programa sa GCN.”

Gawas pa, ang GCN TV nipahiluna og pagtinabangay'ng kasabutan sa 15 ka organisasyon sa mga kristohanong magsisibya og grupo sa 6 ka nasod apil ang Life Zone TV sa U.S. og SCT

International sa Brazil.

Ang trabahante sa GCN TV niasoy, “Akong nakita ang aktibong pagtinabangay para matabangan ang GCN TV sa tibuk kalibutan. Atong

panaghiusahan ang mga kristohanong magsisibya sa tibuk kalibutan, para ang katawhan maka tan-aw sa mga programa bisan asa, og sa nagkalain-laing pinulongan.”



GCN Broadcasting nagsibya sa Pulong sa Kinabuhi, sa gamhanang lihod sa Diyos, og sa taas nga kalidad sa kristohanong kultura ngadto sa 170 ka kanasuran. ■ Unang litrato: Ang displayhanan sa GCN Broadcasting sa 2012 NRB Convention og Exposition ■ Ika-2 litrato: Mga leder sa NRB sa presentasyon sa 3D video ■ Ika-3 litrato: Ang kinatibuk-on sa 2012 NRB Convention og Exposition



Han'ay sa "The Message of the Cross" - (15)



Senyor Pastor Dr. Jaerock Lee

# Ang Paglansang sa Krus (3)

## Ang Espirituhanong kahulugan sa pag Patulo ni Hesus sa Iyang Dugo og Tubig

"Apan sa pagduol nila kang Hesus, nakita nila nga patay na siya busa wala nila balia ang iyang mga bitis. Apan gamit ang bangkaw, giduslak sa usa sa mga sundalo ang kilid niya og diha dayon mibuhagay ang dugo og tubig." (Juan 19:33-34).

Kon atong mahibaw-an nganong gitugot sa Diyos Amahan nga si Hesus nag-antos, kini makatabang kanato sa pagsabot sa Iyang dakong gugma kanato og mag giya sa atong maayong kristohanong kinabuhi. Karon, akong ipasabot ang espirituwal nga kahulugan nganong wala balia ang mga bitis ni Hesus og ang Pagbuhagay sa Iyang dugo og tubig.

### 1. Ang Kapangandaman sa Diyos nganong wala balia ang mga bitis ni Hesus

Human sa pag-antos sa sabangis nga silot sulod sa pipila ka mga oras didto sa krus, si Hesus niginhawa sa Iyang kinatapusang ginhawa. Ang Iyang kamatayan adlaw'ng biyernes og mosunod ang Adlaw'ng Igpapahulay nga balaan para sa mga Judio, mao nga dili mahimong magpabilin ang iyang lawas ngadto sa krus. Mao nga ni hangyo ang mga Judio ni Pilato nga kuhaon nila ang mga lawas sa mga kriminal didto sa krus (Juan 19:31).

Gikuha sa mga sundalo ang mga kriminal nga diha sa matag kilid kang Hesus pinaagi sa pagbali sa ilang mga bitis. Ang pagbali sa ilang mga bitis maoy nagpadali sa ilang kamatayan tungod kay wala nama'y maka suporta sa gibug-aton sa ilang lawas. Apan, sa dihang ang mga sundalo nakabantay nga si Hesus patay na, wala nila balia ang Iyang mga bitis.

Sa Salmo 34:19-20 atong makita, "Daghang kalisdanan ang antuson sa matarong, apan luwason siya sa Ginoo niining tanan. Ampingan siya pag-ayo sa Ginoo og dili siya kabaliang bukog." Bisan pa man sa pagluwas ni Hesus sa mga makasasala og sa iyang pagkamatay didto sa krus, kay siya walay sala, putli og matarong, siya giampingan sa Diyos nga magpabilin ang Iyang bitis nga dili mabali.

Panahon sa Exodu, ang Diyos niingon sa mga Israelita sa Numeros 9:12 og Exodu 12:46, "Ilang pagakan-on (ang karnero), apan dili balion ang bisan unsang bukog." Sa Bibliya ang "karnero"

nagsimbolo kang Hesus (Juan 1:29). Mao nga ang Diyos nimando batok sa pagbali sa karnero, nga nagpasabot mismo kang Hesus, og tukma ang propesiya, ang bukog ni Hesus nagpabilin nga dili bali.

### 2. Ang Rason sa Pag-buhagay sa Dugo og Tubig ni Hesus

Mabasa sa Juan 19:34 "Apan usa sa mga sundalo ni duslak og bangkaw sa Iyang kilid og dihadia dayon nibuhagay ang iyang tubig og dugo," giduslak sa sundalo ang Iyang kilid bisan Siya patay na. Si Hesus nagbitay sa krus-nga gipurongan sa koronang tunukon, nangabitas ang iyang lawas, og ang dugo nidagayday gikan sa iyang kamot og tiil tungod sa mga lansang-makalilisang tanawon. Sa ingon ani nga hitabo atong makita unsa ka daotan ang tawo sama sa mga Romanong sundalo, nga maoy nagtino nga patay na si Hesus apan giduslak pa gihapon nila ang iyang kilid sa bangkaw.

Unsa ang espirituhanong kahulugan sa pagduslak sa kilid ni Hesus og bangkaw og ang Iyang pagpabuhagay sa tubig og dugo?

Una, kining hitaboa nagpamatuud nga si Hesus nianhi sa kalibutan isip tawo. Ang pagbasa sa Juan 1:14 nagsulti kanato sa insakto kon si kinsa si Hesus. "Og ang Pulong nahimong tawo og mipuyo uban kanamo..." Sa ato pa, si Hesus, nga mao ang Diyos og espiritu, nahimong tawo og nianhi dinhi sa kalibutan.

Si Hesus wala gipanamkon pinaagi sa pagpakig hilawas sa babaye og lalake apan pinaagi sa Espiritu Santo. Tungod kay Siya natawo isip tawo og niagi sa normal nga proseso sa pagtubo sama kanato nga mga katawhan, si Hesus nihatang og katagbawan nga sarang isip Manluluwas sa tanang katawhan.

Pinasubay sa "Upat ka Kwalipikasyon nga maoy Maghatag og Katagbawan isip Manluluwas sa Katawhan," ang Manluluwas tawo gayod, dili kaliwatan ni Adan nga nakaangkon sa sala sa pagkamasupilon, anaay gahum nga makabuntog sa kaaway nga daotan, og

naay gugma nga diin iyang mahimong isakripisyo ang iyang kaugalingong kinabuhi para sa uban.

Mao nga, si Hesus nianhi dinhi sa kalibutan sa lawas nga hinimo sa bukog og unod-sama nato- nakabati sa sakit sa dihang siya gibunalbunalan, og nag-antos sa kakapoy, kauhaw, og kagutom (Mateo 4:2; Juan 4:6). Para sa paghatag sa kalig'onan nga si Hesus nianhi sa kalibutan isip tawo, ang Bibliya mabasa nga sa dihang "ang usa sa mga sundalo ni Hesus sa iyang kilid sa bangkaw, diha dayon ni gawas ang tubig og dugo."

Ikaduha, kining maong hitabo nagpamatuud nga ang tawo makaambit sa pagka diyosnon. Sa Mateo 5:48, si Hesus niigon, "Kinahanglan nga hingpit kamo ingon nga hingpit ang inyong Amahan nga ato sa langit," Gipahinumduman usab kita sa Diyos sa 1 Pedro 1:16 "Pagbalaan Kamo Kay Ako Balaan Man."

Sa Filipos 2:5 nag-awhag nga "Angay ninyong batonan ang hunahuna nga gibatonan ni Kristo Hesus", samtang sa 2 Pedro 1:4 nag-ingon kanato, "Niining paagiha iya kitang gihatagan sa bililhon og dakong mga gasa nga iyang gisaad. Pinaagi sa maong mga gasa makalikay kamo sa makadaot nga mga kailibgon sa kalibotan og makaambit sa diosnong kinaiya."

Samtang si Hesus dinhi sa kalibutan isip tawo, wala siyay sala og nagpakabuhi sa balaan nga kinabuhi. Samtang iya usab na eksperyensya ang nagkalain-lain ng emosyon kay siya naa may natural nga pagka tawhanon, si Hesus nagpakabuhi lamang sa matuud. Mao nga kita mahimo usab nga magpakabalaan, og mahimong makaangkon sa diosnong kinaiya sama sa dughan sa atong Ginoong Hesu Kristo.

Si kinsa katong motoo sa Ginoo, mangiiniton sa mga pag-ampo, og maghimo sa tanang kusog, makahimo sa paglikay sa iyang kaugalingon sa mga sala og daotan og siya siguradong makadawat og maka eksperyensya sa grasya sa Diyos og kusog pinaagi sa tabang sa Espiritu Santo. Walay si bisan kinsa kanato ang makalikay sa pag-ingon, "Mahimo ni

Hesus ang magpakabalaan kay siya Anak man sa Diyos, apan ako tawo lang, dili ko makahimo ana."

Ika-3, kining hitaboa nagpamatuud nga pinaagi sa dugo og tubig ni Hesus, makaangkon kita sa tinuod nga kinabuhi og maglipay sa kinabuhing dayon. Bililhon ang dugo ni Hesus, nga kinsa walay original nga sala diha kaniya og wala usab siya makahimo og kinaugalingon nga sala. Pinaagi sa bililhong dugo sa atong Hesus, mahimo nato, ang pagdawat sa kapasayloan sa atong mga sala og magpakabuhi sa dayon. Dugang pa, ang tubig espirituhanong simbolo sa "Pulong"; sa kadaghan sa atong madungog sa Pulong sa Diyos og magpakabuhi niini, atong mahilayo ang atong kaugalingon sa sala og daotan og mahimong labaw'ng matarong.

Ang dugo og tubig nga gipatulo ni Hesus mao ang kusog nga kita ma bag-o, og mao ang dugo og tubig sa kinabuhi nga mopalikay kanato sa kamatayan. Ang hitabo nga si Hesus giduslak sa iyang kilid sa bangkaw og nagpabuhagay sa iyang dugo og tubig nagpamatuud nga kita makadawat sa kaluwasan tungod ni Hesus, og pinaagi niana atong maangkon ang tinuod nga kinabuhi sa pagdawat nato sa kusog nga diin kita magpakabuhi sa Pulong sa Diyos.

Mahal kong kaisogonon ni Kristo, si Hesus nagmaya og nagpasalamat taliwala sa Iyang mga pag-antos tungod kay Siya naghunahuna kon unsa ka daghan ang mga kalag nga makadawat sa kaluwasan pinaagi sa Iyang mga pagpasakit. Ayaw hikalmi nga si Hesus nag-antos og nagpabuhagay sa Iyang tubig og dugo para sa atong kaluwasan.

Maayo unta nga ang tagsa-tagsa kaninyo, sa inyong pagtugkad sa gugma sa atong Ginoo dinha sa inyong dughan, daling magpalayo sa sala og daotan, makabalik sa larawan sa Diyos, og maglipay sa kalipay nga walay katapusan og sa mga panalangin sa mahimayaong gingharian sa langit, ngalanan sa atong Ginoong Hesu Kristo ako naga-ampo!

# Ang Programa sa MMTC sa Ilang Global nga Pagpanudlo sa mga Misyonaryo Puno sa Makahuloganon og Malipayong Higayon

Ang Manmin Central Church ni abli sa Global nga Misyonaryong Pagpanudlo kini programa sa Manmin Missionary Training Center (MMTC). Sugod Pebrero 3 hangtod 27, ang mga nanambong gikan sa 10 ka mga nasod apil ang U.S, Israel, Russia, Spain, China, Thailand, Vietnam, Kazakhstan, Nepal og Indonesia. Sa kalipay sila niingon nga ang programa maanindot. Napuno sila sa kahinam nga nagdala sa kausaban sa ilang mga simbahan og magagiya sa daghan nga kalag ngadto sa dalan sa kaluwasan pinaagi sa pagkabalaan sa ebanghelyo og sa gamhanang lihog nga ilang nakat-onan sa Manmin Central Church. Pebrero 23, nibisita sila sa nahimutangan sa Muan Sweet Water, diin ang parat nga tubig sa dagat nahimong presko og tam-is pinaagi sa mga pag-ampo ni Dr. Jaerock Lee (Exodu 15:25). Ilang gihatag ang himaya og pasalamat sa Diyos sa ilang pagbisita.

### "Akong Nakita ang Rason Ngano nga ang Gahum sa Diyos mo Hikyd diha ni Dr. Jaerock Lee"



Pastor Alherito Akerina (Pastor sa GPI, Palembang Simbahan sa Indonesia)



♦ Tuig 2008, nakatan-aw ko og DVD nga naglakip sa gamhanang pagpangalagad ni Dr. Jaerock Lee. Natandog kaayo ko nga kalima gani nako balik-balika og tan-aw nga naghilak. Ang lihog sa gahum lahi ra kaayo sa uban nga mga iladong pastor nga akong nailhan.

Sa kahidlaw sa akong dughan, niapil ko aning programaha. Personal nakong nasaksihan ang pagpangalagad sa Manmin. Akong nakita ang rason ngano nga ang Diyos dili makapugong, apan ang paghatag sa Iyang gahum ngadto ni Dr. Jaerock Lee samtang nagtan-aw sa video nga pagpanudlo sa 'Thunder the Original Voice'.

Si Dr. Lee nakaila sa kasingkasing og gugma sa Diyos nga kinsa nangandoy nga kita mahimong Iyang tinuod nga mga anak pinaagi sa pagkahisama sa Ginoo og pinaagi sa pagkab-ot sa pagtoo nga makapahimuot sa Diyos. Mao nga siya makapakita sa gamhanang lihog. Nakat-on usab ako nga ang atong Kristohanong kinabuhi motubo kon atong labaw'ng mabati ang gugma og kasingksing sa Diyos.

### "Nakadungog og Klaro ang Akong Dalunggan Human sa Pagtugsaw sa Muan Sweet Water"



Igsoon Kshetra Bahadur Rai (Presidente sa Men's Mission, Manmin Mission Center sa Nepal)



♦ Nakadawat ko og daghan nga grasya samtang nagbasa sa mga libro ni Dr. Lee 'The Message of the Cross' og 'The Measure of Faith' sa Nepali. Ang iyang awtobiograpiya 'My Life My Faith' nagpuno sa akong pagtoo og nagtudlo kanako sa panglantaw sa akong nanglabay nga Kristohanong kinabuhi.

Sugod niadtong unang tuig, nagtrabaho ko ni Pastor Grace Lee nga maoy pangulo sa Manmin Mission Center sa Nepal. Ako ang mag atiman sa mga sanggang simbahan og mag organisar sa mga siminar. Niapil ko aning programaha para makat-on pa gyud ako. Kinasingkasing ko nga nangandam ani og nag-ampo 2-ka oras matag adlaw sulod sa duha ka simana.

Ang tanan nga mga programa nakatandog sa akong kasingkasing og naghatag sa kalipay. Ako usab nga na eksperyensya ang gamhanang lihog didto sa Muan Sweet Water. Matinguhaon akong nag-ampo sa akong kasingkasing og nihumul sa tubig. Sa higayon nga ang tubig nibasa sa akong mga dalunggan nanginit kini. Pagkahuman, klaro na akong maka dungog kaysa una. Halleluyah!

### "Akong Naangkon ang Tinuod nga Pag-ampo Pinaagi sa Daniel Prayer Meeting"



Igsoon Alex Abankin (Leder sa Cell Miting, Melchizedek Church sa U.S.)



♦ Sa nilabay'ng tuig dismayado kaayo ko kay ang akong Kristohanong kinabuhi nasamok. Og nahitabo nga nakabasa ko sa mga libro ni Dr. Jaerock Lee sama sa 'The Message of the Cross', 'The Measure of Faith'.

Ang mga libro detalying naghigot sa daghan nga mga butang nga gusto nakong masayran. Napanalanginan kaayo ko sa mga libro og ni disisyon ko nga mo ganhi para sa pagkat-on sa pagka balaan sa ebanghelyo. Si Dr. Jaerock Lee ilado sa pagka gamhanang sulugoon sa Diyos sa mga Slavic nga tawong nagpuyo sa U.S. Bisan pa, siya mapaubanong nagsilbi sa mga miyembro sa simbahan, og ang mga miyembro nahigugma og respitado kaayo ngadto niya nga natandog kaayo nako. Sila nagpakabuhi pinasubay sa Pulong sa Diyos og naghatag og paglaum sa ilang kasingkasing para sa langit. Dugang pa, nakat-on ko unsaon pag-ampo og nag-ampo kada gabii atol sa Daniel Prayer Meeting. Sa pagbuhat ini, nakahimo ko sa paghatag og pag-ampo nga maoy gusto sa Diyos.

### "Nakat-on Ako sa mga Pagdayeg nga Dawaton sa Ginoo nga Anaay Kalipay"



Igsoon Lily Bocharnikov (Praise Leder sa The Spirit of Life Church, sa Israel)



♦ Ni disisyon ko nga moapil sa miting aning MMTC kay nakasiguro ko nga kini makatabang sa paglambo sa akong pagtoo og sa kalamboan sa akong simbahan. Labaw sa tanan, magpasalamat ko sa Manmin Central Church og ni Dr. Jaerock Lee nga naghatag sa dakong tabang sa mga Kristohanon sa Israel aron mahigmata pinaagi sa paghimo og krusada ang "2009 Israel United Crusade" sa Jerusalem, Israel. Bulahan kaayo akong nakaanhi sa ilang simbahan, nangandam sa akong kaugalingon pinaagi sa pagbutang sa espirituhanong mensahe og ang pagbansay sa pag-ampo.

Praise leder ko sa among simbahan. Natural nga nakadawat ko og daghan nga mga grasya kung ang mamumulong sa Performing Arts Committee motudlo mahitungod sa pagdayeg, pagsayaw og sa mga galamiton sa saway. Ako kining gi-video og gani apil ang mga pasundayag. Isip leder gusto kong maghatag og mga pagdayeg sa Ginoo nga makapahimuot kaniya pinaagi sa akong nakat-onan dinhi og ang pagsabwag sa pagkabalaan sa ebanghelyo. Kining maong programa dako kaayong panalangin alang kanako.

### Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Palato St., J-Figuera Sampaloc, Manila, Philippines Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Philippines Pastor Peter Bae Pastor Lucy Lee 0910-262-5465	Purck 3, Brgy. San Roque, San Mateo, Isabela, Philippines Pastor Peter Bae Pastor Lucy Lee 0905-649-1120	5 Lot 33 Bk 1, Canluhan (lanant), Santiago Gen. Trias, Cavite, Philippines Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Philippines Pastor Jubeeom Kim 0927-311-7633	LOT N. 402 - B-4, Loooc Along Side The Canjularo Road, Lapu-Lapu City Cebu, Philippines Pastor Rossetta Sung 0921-635-7595	301 Ilang Ilang St. Flores Village, Bangkok, Davao City, Philippines Pastor Kathryn Kim 0908-635-2714



Sila niingon nga dili nila makalimtan ang 25-ka adlaw'ng pagbisita sa Korea ■ Unang litrato: Ang mga Pakigpulong ■ Ika-2 litrato: Ang Friday All Night Service ■ Ika-3 litrato: Ang Daniel Prayer Meeting ■ Ika-4 nga litrato: Ang Divine Healing Prayer Meeting, Manmin Prayer Center ■ Ika-5 litrato: Ang Praise and Prayer Time, didto sa Muan Sweet Water ■ Ika-6 nga litrato: Espirituwal nga eksperyensya didto sa Muan Sweet Water Hill ■ Ika-7 litrato: Ang Praise and Determination Time didto sa Muan Sweet Water ■ Ika-8 litrato: Ang pagbisita ngadto sa GCN TV ■ Ika-9 nga litrato: Ang seremonya sa pagtapos sa kurso niadtong Pebrero 26